



**Libellus supplex imperatoriae majestati, caeterisque sacri
imperii electoribus, principibus, atque ordinibus, nomine
Belgarum ex inferiori Germania, evangelicae religionis causa
per Albani ducis tyrannidem ejectorum in comitiis Spirensibus
exhibitus**

<https://hdl.handle.net/1874/9081>

LIBELLVS

SVPPLEX IMPERA-

TORIÆ MAIESTATI CÆ-

terisq; Sacri Imperij Electoribus,

Principibus, atq; Ordinibus, nomine

Belgarum ex Inferiori Germania, E:

uangelicæ religionis causa per Al-

bani Ducis tyrannidem cie-

etorum in comitijs Spi-

renfibus exhi-

bitus.



¶ Londini apud Johannem Davids

ad exemplar in Germania

editum.

AN. 1571.

Johann

Thos. Baber Collegio. Socius. Giechus.

QUÆ tempeſtas Inuictiſſime
Imperator Principesq; Illu-
ſtriſſimi iam propè totos cen-
tum annos varias Europæ partes af-
fixit, Eadem nos etiam hoc tempore
per ſummam tyrannidem, bonis om-
nibus exutos, patrijs ſedibus eiectos,
calumnijs aduerſariorum oppreſſos,
atq; omni calamitatum genere exer-
citos, ad veſtram Clementiam ſup-
plices confugere coegit.

Etenim neminem eſſe arbitramur
qui neſciat, olim quidem Hispaniam,
poſt autem etiã paulatim totius Eu-
ropæ magnam partem, non modò in-
teſtiniſ diſſidijs ac tumultibus ariſſe,
ſed etiam graui perſecutionum pro-
cella atque tyrannide tantum nõ op-
preſſam fuiſſe. Ex quo nimirum ho-
mines aliquot otioſi, quiq; vitam vel
ſolitariam, vel ab omni rerumpubli-
carum gubernatione remotam, vel
certè diuini verbi prædicationi, &
tranquillis ſacrarum literarum ſtu-

dijs tantummodo addictam , nomine atq; externo gestu profitebantur, cœperunt in aulas Regum ac Principum irrepere , & obtento suis cupiditatibus religionis velo, ea consilia subministrare , quibus possêt , excogitata Inquisitionis in hæreticam, vt vocant, prauitatem noua ratione , grauissimarum controuersiarum ac rerum cognitionem & iudicium , à ciuili Magistratu ad se auertere . Atq; ita paulatim non modò in plebeij cuiusuis bona, fortunas, domicilium , intimos ædium recessus , & verò etiam in vxorẽ ac liberos , & vitam deniq; ipsam inquirendo , dominatum , prout luberet exercere, sed ipsos etiam Magistratus ac Principes imperiò suo subijcere. Quibus autem locis animaduertebant vel populi antiqua libertate , vel Rectorum ac Principum moderatiõne atq; prudentia , ea sua studia retardari, ijs confestim, vel hæreseos vel rebellionis conficta criminatione , Re-

gum

gum atq; Imperatorum animos aduersus populum grauiter exacerbauerunt. Eoq; artificio dissidia intestina, tumultus populares, & grauia etiam sæpè bella concitarunt: quibus florētissimas prouincias, in omnium Regum, Principum ac populorum inuidiam ac summum odium vocatas, ad extremam calamitatem redegerunt.

Hoc si quæ alia in Europæ regionibus prouincia vnquam sensit, nostra certè patria, inferioris nimirum Germaniæ pars illa, quæ Hispaniarū Regis potentissimi paret imperio, hoc quidem tempore vel imprimis cum summa sua clade perpeſſa est. Postquam enim falsissimis Hispaniensium Inquisitorum calumnijs, alijsque prauis artibus apud Carolum quintum foelicis memoriæ Imperatorem, eiusq; filium Philippum Hispaniarum Regem, atq; inferioris Belgicogermaniæ Dominum, in grauem inuidiam hæreseos atq; impietatis nomine ad-

ducta, grauissimisq; de religione edictis per calumniam & dolum extortis, grauata, pro summa sua erga dominos fide atque obseruantia, hoc sæuissimum inquisitorum iugum iam plus minus totos quinquaginta annos admirabili patientia pertulisset, & iam tandem rebus in cæteris vicinis prouincijs ad pacem ac tranquillitatem cõpositis, rei q; veritate apud plærosq; detecta, leuationem aliquam ex tanta calamitate speraret: factum est vt aduersarij, qui certè quidem grauissimè ferebant eam, ad parem religionis libertatem, qualis non modò in Germania, sed iam etiam in Gallia alijsq; multis locis vigebat, aspirare, nouo & eo quidem summo conatu eniti cœperunt, vt non modò spem incolarum irritam facerent, sed etiam longè grauiori tyânide inuecta, quicquid esset reliquum iuris ac libertatis eriperent: atq; ita opulentiores quosque facultatibus, potentiores & si
quos

quos videbant suis conatibus posse aduersari, etiam vita spoliarent.

Itaq; adiuncto sibi Pontifice Romano, eiusq; diplomate impetrato, à Rege per varias calumnias edictum contra omnia prouinciæ priuilegia, leges, instituta, atque antiquissima iura libertatis, summa importunitate extorserunt: nimirum de Cõcilij Tridentini sanctionibus ad amissim obseruandis, deq; nouis Episcopis introducendis qui Inquisitionis formã Hispanica etiam Inquisitione (quæ quidem olim aduersus Iudæos ac Mahumetanos apostatas erat instituta) longè acerbiorẽ, per omnem prouinciam exercerent, atq; ita breui tẽpore, florentissimam ac liberrimam regionem, in hominum exterorum, & quidem omnibus flagitijs ac sceleribus coopertorum turpissimam seruitutem palam adducerent: optimos quosq; submisso quouis vel infami accusatore, vel nequissimo teste, vin-

culis, equuleo, & verò etiam cruce & flammis pro suo arbitrio possent multare, opulentissimos fortunis euertere, Magistratus ipsos suæ iurisdictioni subijcere, & se rerum omnium dominos efficere: inprimis autem eos qui Romani Pontificis imperio parere detrectarent, suasq; conscientias vni Dei verbo, veteris ac noui testamenti libris comprehenso, vellent esse subiectas, funditus delere, atq; exquisitissimis cruciatibus necatos, radicitus extirpare.

Ea res cum iustissimam præbuisset occasionem Nobilitati quidem, vt apud Gubernatricē Parmensem, quæ tum Regis loco erat, supplici libello intercederet, & quæ inde calamitas esset indubiè consecutura, declararet: plebi aut, vt suam religionem, quam hætenus intra priuatos parietes exercuerat, eoq; nomine videbat omnium calumnijs atq; inuidiæ esse obnoxiam, iam publicis cõcionibus æquo
boni

boni cuiusq; iudicio atq; examinationi expositam à falsis criminibus vindicaret : Factum est, vt aduersarij hac arrepta occasione, varijs excitatis tumultibus, vniuersi populi nomen de atrocissimis criminibus hæreseos, rebellionis, seditiois, ac læsæ Maiestatis diuinæ pariter atq; humanæ, apud Regem inuidiosissimi detulerint: eūque, cum planè statuisset, suscipere in Belgiū profectioe, ipse præfens causam cognoscere, & ex æquo & bono rem omnem cōstituere, partim dolo-
fis artibus, & ad Belgici populi perniciem comparatis sycophantijs, partim importunis studijs, atq; impudenti quorundam contentione, partim deniq; submissis aliunde consilijs & comminationibus, propè inuitum eò deduxerint, vt aduersus suos graui-
ter exacerbatus, repentè mutata sententia, Albanum Ducem & eorum Inquisitionis fidissimum administrum, & ex veteri etiam similtate, Belgij

*.v.

Prin-



Principibus ac Reipub. hostem infestissimum, ad causam cognoscendam & constituendam Rempub. cum summa potestate pro se legauerit.

*banis suis
criminatio.*

Is verò iam suis cupiditatibus, speciosum & religionis Pontificiæ restituendæ & rebellium castigandorum studium prætexens, incredibile dictu est, quantam & quàm immanem crudelitatem in omnes Belgicogermaniæ incolas sine discrimine passim exercuerit: quot & quàm inusitatis modis omnium bona expilarit: cunctam prouinciam omnibus ornamentis expoliarit, præsidijs nudarit, libertatis omni iure priuauerit, legibus ac priuilegijs exuerit: optimũ quemq; proscripserit: innocentissimi cuiusq; sanguinem profuderit: sanctissimũ quæque turpissima ignominia labe affecerit: iura omnia diuina simul atque humana violauerit: sacra omnia profanauerit: coniugiorum iura resciderit: Baptismi sacramentum polluerit:
cha-

charitatis ac necessitudinis omne ius
euerterit: nihil deniq; à summa atque
inaudita crudelitate reliquum sibi fe-
cerit: Neq; tamen interea desinit suo-
rum facinorum culpam in nos deri-
uare, & nos grauissimorum criminū,
etiam publicatis elogijs atq; excusis
infamibus libellis, apud omnes Prin-
cipes ac populos palā accessere: pro-
pterea scilicet, quod eius furori cessi-
mus, gladioq; nostri cruoris sitientis-
simos ope diuina euasimus.

Quæ nos omnia, quando quidem
Deo Opt. Max. ita decretum est, vt
nonnullo tempore per impiorum ty-
rannidem hîc affligamur, in silentio
& patientia nobis esse ferenda puta-
remus, expectandumq; tempus quod
ille summus rerū Arbiter apud se præ-
stituit, vel nostræ innocentiae in lucē
producendæ, vel Regis nostri oculis
atq; auribus ad indignam nostram ca-
lamitatem & iustas querelas patefaci-
endis: Nisi apertè cerneremus eius-
modi

modi nostrū silentium, præsertim hoc tam sacro, tamq̄; frequenti tuæ Maie-
statis, Inuicte CÆSAR, vestrarūque
Celsitudinum Principes illustrissimi,
confessū, posse nobis nostræq̄; inno-
centiæ non leue præiudiciū apud
eos quibus minus erit rei veritas cog-
nita, aliquando posthac adferre. Ete-
nim hac ratione ipse Dei filius I E-
S V S C H R I S T V S, eiufq̄; do-
ctrina quā ex eius verbo profite-
mur, erit atrocissimis aduersariorū calūnijs
obnoxia, quasi qui eam sequatur, pro
isthoc tā augusto Christiani orbis tri-
bunali, tam sanctis atq̄; incorruptis iu-
dicibus, tanta diuersissimarū gentium
celebritate theatro refertissimo, non
modò hæreseos atq̄; impietatis pesti-
feræ, sed etiā fœdæ rebellionis, nefa-
riæ seditionis ac perturbatæ pacis pu-
blicæ, tacita confessione rei peracti
sint. Quare, omninò existimauimus
non posse nos bona conscientiae pace
diutius vti silentio : sed quando qui-
dem

dem scimus hanc sacri Imperij comi-
tiorum vsitatam rationem eò potissi-
mum pertinere, vt quicunq; per vim
atq; iniuriam opprimuntur, isthuc tã-
quã ad summũ iustitiæ in orbe Chri-
stiano tribunal querelas suas referant,
duximus nostri esse officij, tuę Maiest.
AVGVSTE CÆSAR, vestrif-
que Celsitud. Principes Illustriss. rerũ
nostrarum statum omnem exponere,
huiusq; nostræ funestissimæ calamita-
tis veros fontes aperire: vt si fortè Dei
misericordia, tantis nostris malis finẽ
facere cõstituerit, possimus vestro be-
neficio, vestrãq; liberalitate ex hac op-
pressionis mole grauissima respirare.
Sin minus: at certè, causã propius co-
gnita, ab iniquissimis aduersariorum
criminationib. apud æquos iudices
nostram innocentiam vindicemus.
Quo, si nihil aliud, hoc certè quidem
consequemur, ne posthac nostra reli-
gio, ac veritatis Euangelicæ professio
apud eos qui aduersariæ partis accu-
sationib.

sationib. antehac occupati, rem ipsam
ignorarunt, tam grauium criminum
nomine amplius malè audiat: nèue
CHRISTVS IESVS Dei fili-
us, cuius nomen profitemur, per no-
strū latus amplius cōfigatur: ne nobis
deniq; tanquã publicæ pacis ac tran-
quillitatis hostibus, aqua & igni, quod
vnū conantur nostri aduersarij, apud
alios Principes ac populos interdi-
cã. Sed rei totius veritate perspecta,
omniū malorū fons atq; origo deri-
uetur in eos, q̄ suis cupiditatibus in-
censi, omnia sursum deorsū versant, ac
deinde homines p̄bos atq; innocen-
tes, quos per vim atq; audaciã fortu-
nis euersos vita nequeunt spoliare,
eos apud tuã **Ma. C Æ S A R**, vestras-
q; Celsitudines Illustriss. Principes te-
rerrimis calumnijs opprimere contē-
dunt, vt ita vos in suæ crudelitatis so-
cietatē vocēt, vestraq; opera, vel sitim
illam suam insatiabilē nostro sanguine
expleant, vel odiū quod in nos acer-
bissimum

bissimum conceperunt ruina nostri
quoquo modo saturent.

Quod quidē certè minimè esse cō-
secuturos, vestra æquitas, fides, atq;
integritas, nostraq; innocentia nobis
pollicetur. Quibus rebus confisi ve-
stra genua amplectimur, vestram fi-
dē ac misericordiam imploramus, ve-
stram deniq; religionem, iustitiam, ac
sanctitatem obtestamur. Rogamús-
que supplices vt integra iudicij seue-
ritate, miseram atq; afflictam nostram
innocentiam, contra summam aduer-
sarium potentiam atque effrenem
audaciam, clementer tueri non dedi-
gnemini.

Vt autē intelligatis, quo iure id fa-
cere possitis, & simul ipsa luce clari-
us perspiciatis in quibus totius mali
causa resideat, rogamus tuam Ma-
iestatem, inuicte CÆSAR, vestras-
que Celsitudines Principes Illustriss.
vt libellum hunc nostrum his tabel-
lis. supplicibus adiunctum, in quo
cunctis

cunctis hominibus innocentiam nostram, historiæ totius veritate pertexta, testatam facimus, dato ocio, benignè atq; attentè perlegere velitis: eaque patiëntia atq; æquitate animi, qua soletis omnium miserorum atq; innocentum querelas accipere, nostrâ etiã causam cognoscatis, & nos ex hac tanta calamitate, quoad eius à vobis fieri poterit, subleuetis: Ita & Deo summo regum Regi ac Iudici vos dignos ministros præbebitis, & nostra studia ad eius gratiam ac misericordiam pro vobis implorandam excitabitis.

••